

### 秋日读董公《扬州慢》感

读罢君词意未休，此身疑已到扬州。  
一轮二十四桥月，总是新伤杂旧愁。

### 秋江送客亭

送客亭前迹已空，秋风冷雨旧梧桐。  
繁华过眼都成梦，只有江流日夜东。

### 辛丑元宵

感事哀时未可安，满城灯火影团团。  
黄昏又下潇潇雨，似放天帘隔旧寒。

### 早春夜雪

一夜东风初带雪，捎来柳信透窗纱。  
明朝应是春泥湿，莫管梅开几树花。

### 拟邀踏青

望外春山千万重，不知春色几多浓。  
明朝大笑出门去，捉取春光焕旧容。

### 疫后桃源

桃开时节访桃源，不见秦人只见仙。  
一罩摘来真面目，江山又值太平年。

### 野郊遣怀

岁晚霜天万籁微，孤云野水两依依。  
萧条草木今犹昨，恍惚秋冬是也非。  
雾里看山徒可忆，风前回首欲何归。  
记从戊戌嘉平后，五载光阴速似飞。

### 暮春

春草满塘春柳斜，一年春事最堪嗟。  
若君也有惜春意，且就莺声数落花。

### 观黄溪瀑布群并寄少华友

倾烟泻雾出奇姿，又见满天风雨时。  
二十余年存一梦，崖前湿透旧相思。

### 夏夜荷塘

风起莲池尽婉仪，清波荡月影参差。  
一船星梦和君去，半卧花心半载诗。

### 重阳前数日见江岸芦花视频有怀

丛芦深处雪初开，汀上寒烟去复回。  
溟色纵横连野阔，江声日夜挟秋来。  
一年容易西风又，往事依稀春梦才。  
节近重阳君到否，黄花想落故人杯。

### 夏日

熏风荷暖叶清清，溪对翠峰天画成。  
云白跌沉千涧碧，林开放入一山晴。  
几痕蕉影过窗绿，数树竹声浮水鸣。  
最是星湖渔火起，残阳争抹晚霞生。

### 秋日过龙标芙蓉楼

江风摇荡满天星，又过楼前送客亭。  
古渡半阶空逝水，荒汀一岸已潜形。  
悲君寒雨落潇浦，顾我愁怀入杳冥。  
明月夜郎依旧在，冰心早化楚山青。

## 贺迎辉诗选

作者简介：贺迎辉，字光吉，号涵之，1972年生，湖南宁乡人。媒体从业者。中国楹联学会会员兼书法艺术委员会委员，湖南省文史研究馆诗赋研究会研究员，湖南省辞赋学会副会长，湖南省诗词协会常务理事，长沙嚶鸣诗社副社长。

### 宁乡诗友招饮拈韵得色字

未饮已微醺，诗心沁酒色。  
把臂漫吟哦，佳期难再得。

### 论诗柬沈鹏先生

索居清睡养精神，鹤发犹能秉赤心。  
势挟风雷搦毫管，书家底色是诗人。

### 鸡去犬来，迎春口号

执鞭鞍侧又经春，待草新征马背文。  
胸臆宜消鸡器量，驱驰长抱犬精神。  
英雄千载操知备，胆略三湘我识君。  
参透唐风真浪漫，入时眉画展青云。

### 中元夜鹿回头招饮拈韵得酈字

今夕长沙月，清辉话古酈。  
羨他诗里圣，愧我酒边徒。  
梦大归河海，更深恐鬼狐。  
未妨拼一醉，或有美人扶。

### 可斋兄小品书法展序（八首录一）

书者如人神欲旷，散诸怀抱曰之放。  
高格由来岂易追？真源溯及晋之上。

### 游株树桥水库

久蛰诗心百事劳，憾无多梦到渔樵。  
细聆溪韵消尘响，静悟鬼言避市朝。  
万顷波分西子面，四围屏扭小蛮腰。  
停舟暂驻青岩畔，乞饮村姑水半瓢。

### 问字

纸贵长安路，生花墨自香。  
声名匹元白，行草法张王。  
诗振排云翻，才松逸马缰。  
阶前已盈雪，问字到厅堂。

### 偕明汉黎锬同游浏阳

又赴浏河约，宜觞岂必春。  
且抛千牍累，来赋一章新。  
近水鱼知妒，居山鸟可亲。  
沉浮清浊事，谈笑付烟云。

### 节近中秋有怀诸友

皎皎清辉泻，秋风渐起凉。  
金兰思管鲍，云水隔苍茫。  
已觉花丛独，何如雁影双。  
网中千里外，翻忆话联床。

### 依韵奉和文老百岁感怀诗

此老世之罕，陈抟寿可期。  
早知鱼至乐，安用水猜疑。  
谐谑玄诚大，诗骚力不移。  
四围虫噪罢，破晓一声鸡。

### 德山寺礼佛

此呈明禅法师，忆昔大和尚知客麓山时  
诗会相酬，忽忽十余年矣，今已兼升座夹山  
寺方丈。

亘耐凡尘扰，来寻胜境悠。  
一湾清入画，万里爽同秋。  
佛大心中坐，名高物外求。  
当头棒喝处，相与豁吟眸。

### 题画

平生心事为花忙，柳线抽芽蕊渐张。  
画溢诗情蜂也妒，探春先与蝶商量。

### 景山

排挞青如万骑来，繁花照彻帝王哀。  
自矜伟略缘刚愎，屡坏长城失忌猜。  
红粉几人真误国？铁关千座已成灰。  
重来莫问游园客，记否当年老树槐。

### 万丰湖

锦屏翠幔四围山，百顷青珠跳玉盘。  
地有仙风蕉梦绿，天横鳧鸟水云丹。  
呼朋好钓池中月，携酒还登梦里船。  
懒向西湖寻胜迹，分明是处更幽闲。

### 大江

大江歌罢且登楼，柳色新翻草色柔。  
欲洗牢骚耽病酒，肯因风月每多愁。  
缘深梅鹤情难了，心契金兰意未酬。  
安得手回天地后，五湖随侍美人舟。

### 题潇湘晨报通讯员优秀作品集

此心安处即吾乡，大报风云史迹藏。  
人世声名俱有待，刺时文字每多殇。  
休将媚眼抛官贾，来对民生说稻粱。  
混迹十年余一癖，屡从曲笔读华章。

### 答友询近况

诸公莫问近何如，避迹城南等谪居。  
冷落青衫休病酒，温绵红袖尚攻书。  
千金市骨终非马，十载锥囊愧问鱼。  
参透前贤真旷达，此间清朗好风徐。

### 魏武墓

荣枯几度一丘隆，铜雀台荒夕照中。  
雁阵啼空千古梦，朔风吹散九霄蓬。  
中原霸业饶才具，沧海雄篇仗槊弓。  
肯使当年梅再熟？与公杯盏论英雄。

### 酬画家欧阳笃材先生

洧水湘山久置身，果然湖海仰丰神。  
千钧大笔排云远，万岁枯藤取法新。  
出谷泉流堪濯目，入时文墨自惊人。  
苍茫四顾无余子，独把长歌放胆吟。

## 陈湘衡诗选

作者简介：陈湘衡，1974年生，湖南湘潭人。湘潭市诗词协会主席，湘潭市碧泉文化中心主任。

### 汨罗吊屈原

草木俱时发，美人何独伤。  
骚非秦气象，风是夏文章。  
醒醉世恒解，浊清心自量。  
怜他滔浪外，尚有楚戈长。

### 洋潭水库

波心深映日，万木翠连天。  
鸥鹭自来往，鱼龙任蹶潜。  
逸舟新破玉，高峡势飞涟。  
望到云霞外，穰川与瑞年。

### 娄底行

衡岳峰余秀，氏娄星入堂。  
明心溯梅韵，素抱满荷香。  
化外情非冷，城中血未凉。  
怪他人物众，此地老湘乡。

### 衡山怀烟寺晚钟

客来湘水上，一片彩霞余。  
牛背青山抹，鸥汀老树居。  
松溪诉波古，云路掩心初。  
遥想清凉寺，晚钟声不虚。

### 竹海

风过响琵琶，流泉催浣纱。  
浅深红有韵，层叠翠无涯。  
舞蝶分香影，鸣虫沾露华。  
此君尤好客，约到日西斜。

### 凤凰山

石阶通石塔，依槛见心初。  
天老人曾问，时新事不虚。  
朝霜栖芷若，云影碎琼琚。  
谈笑鱼矶上，相期一结庐。

### 浮邱山

子去云飞白，吾来杏落黄。  
持心等人事，骋目即湖湘。  
杳杳清生籁，玄玄盛著装。  
凌霄台阁在，道极复何方。

### 桃花湖

过了石门坎，仙人应可寻。  
虞歌风合竹，天语瀑悬琴。  
幽兴岚光远，旷怀晴翠深。  
樊笼相困久，会得自然心。

### 甘泉山天池

我爱灰山港，一池天与齐。  
甘泉生岭北，古道越溪西。  
绿染花间蝶，清随云外鸡。  
有翁频告语，新种几春畦。

### 修山

熊湘何处觅，此日证轩辕。  
紫气盈天地，华章合弟昆。  
鹓鸿朝萃萃，桑海溯元元。  
盛德生民久，凤兮端可言。

### 沾溪镇洋泉湾生态旅游区

氤郁原生态，清和大自然。  
泉流春浦上，湾萃白云边。  
鱼鸟欺人近，草花邀客先。  
且斟茶五道，笑看女儿妍。

### 洛口怀古

人家点红翠，河洛任晴阴。  
藤老石无虑，日闲风一襟。  
轩檐怡海客，帆影惯潮音。  
有鹤排云上，形同易俗心。

### 从军行

插柳长沙去，春风绿已闻。  
秦筝鸣处处，胡雁散纷纷。  
洗马轮台月，镶旗葱岭云。  
故人相问急，答是霍将军。

### 海龙屯

江山风雨惯，憾不解刀兵。  
故垒痕犹在，大王心且平。  
天遥雁南北，道险草纵横。  
滚石悬崖处，疑闻庙算声。

### 晚春

晚春春未晚，契友适高吟。  
拾翠青于野，酌霞红到心。  
柳风传楚乐，鹃语送虞箴。  
新有池荷趣，知非老上林。

### 题源博园

韵在江南野，一园偏可寻。  
莺声闻树密，云影洗潭深。  
空阔山前后，澄明风古今。  
相知皆楚客，俱做陇头吟。

### 人日用杜甫韵有作

指事深无际，为人竟有时。  
冰坚期燕早，春暖赋梅迟。  
丽水新生一，长风老及悲。  
江南柳先发，谁与绾青丝。

### 登影珠山

灵秀关情致，崔嵬应韵濡。  
飞云风有影，临福鸟衔珠。  
天籁闻新化，俗机难老沽。  
人来如佛立，一笑见江湖。

## 罗云峰诗词选

作者简介：罗云峰，1983年生，湖南新化人，居长沙，新能源研发工作者。曾用网名阿莫、西林，有诗词集《檐滴两三声》待梓。

### 自题

瘦影萍踪物外游，晴川雾海一同收。  
道人本是无牵挂，种得梅花不自由。

### 客晋陵有寄

佳期重约恨生些，寒士飘零未有涯。  
只在江南春浅处，与君闲坐看梅花。

### 秀山四首

#### 辛卯其一

与为竹之通海，共新辉聚。  
秀山山自秀，无意作登临。  
旧梦何时觉，旧游何处寻。  
相逢一夜雨，寂寞十年心。  
多少沧桑事，说来已不禁。

#### 辛卯其二

与为竹二之通海，共新辉登秀山。  
秀山山自秀，着意此登临。  
不湿沾衣雨，渐忘作客心。  
亭闲宜放鹤，寺古好闻琴。  
仙佛浑无兴，聊同数子吟。

### 癸巳其三

感李君光平兄登秀山诗并盛邀乃作。  
秀山山自秀，何日复登临。  
舍问松梅竹，闲来书画琴。  
一湖看入梦，万事不关心。  
唯约二三子，清茶和露斟。

### 癸卯其四

元日，与新辉兄聚，时别通海已十余载。  
秀山山自秀，不必复登临。  
入得清凉境，能消分别心。  
痴人多郁郁，浮世故沉沉。  
所适知何处？休教向外寻。

### 新居初成

还需添小筑，亭榭近清泉。  
石出溪流响，荷高雨落圆。  
推门来雅客，煮茗说唐前。  
蝴蝶双飞处，抛书枕手眠。

### 姑苏杂咏选四

#### 留园

初绽池荷小，翩翩蝶翅轻。  
雨余千叶碧，风静一舟横。  
真得湖山趣，绝知鱼鸟情。  
坐忘天欲晚，檐滴两三声。

### 拙政园

领略春风意，凭轩占一湖。  
楼围三径柳，亭缀四时图。  
喜雨花无碍，见山人不孤。  
往来谁与识，所思在樵苏。

### 西山

渔樵何去也？渺渺思无穷。  
箬笠山前雨，蓑衣海上风。  
鹤来新月下，人在小舟中。  
妙处堪谁说，多情笑老翁。

### 和小五

何处得忘忧？苏城实可留。  
好山频放眼，明月一登楼。  
世事愁能笑，驰驱恨且休。  
偶生田舍思，近水买渔舟。

### 登望海楼

风河清且碧，嘉会此重游。  
目极登云路，天低望海楼。  
孤身千万里，一梦十三秋。  
览物情何异？于人愧不周。

### 生查子·伊人来苏，与游

如何雨夜来？不带潇湘月。好照蝶双飞，  
好照人相悦。

何如雨夜归？不见秦淮月。正照杏花飞，  
正照人离别。

### 生查子

相看一水莲，坐久成痴绝。露滴雨余风，  
人静灯前月。

悠悠渐入眠，笑我庄生蝶。未得野云身，  
先得寒僧骨。

### 柳梢青·寄立业兄

大白遥呼。羨君归去，正脍莼鲈。资水  
情多，梅山花好，明月当庐。

那年留醉西湖。相对说、今吾故吾。旧  
梦依依，新知杳杳，此恨如如。

### 柳梢青·重九与妻书

宜菊宜松，宜诗宜酒，宜月宜风。攘攘  
熙熙，营营苟苟，碌碌庸庸。

转头一笑空空。宜作对、闲村媪翁。煮  
茗庐前，锄梅岭外，放鹤云中。

### 柳梢青·崂山

漫著青鞋。曲溪流碧，古道紫苔。作客  
登临，骋怀千里，错认蓬莱。

坐忘叶落空阶。人不见，山门半开。岭  
际樵歌，云中月出，海上风来。

### 踏莎行

窗外寒虫，灯前彩线。梧桐雨滴深深院。  
有心莫许绣鸳鸯，无心绣作双飞燕。

别久情闲，伤多人倦。依依惜我桃花面。  
是谁说过不相逢，为何梦里分明见。

## 胡小艳诗词选

作者简介：胡小艳，女，1988年生，湖南桃江人。天问诗社副秘书长。曾获第三届刘征青年诗人奖。

### 游洞庭望君山

携得云千缕，来从水一方。  
波光浮上下，螺影现中央。  
有竹斑皆泪，多情地亦香。  
平生何所慕，千古忆鸳鸯。

### 甲辰中秋书感

凉收一径风，顿起中秋思。  
圆缺本寻常，春秋实容易。  
燕才绕过梁，雁忽排成字。  
犹有少年心，万难何用避。

### 念奴娇·寸心

寸心千结，酒残人去后。我心枯朽。想是光阴如马走，晴雨都随他手。曾曰温柔，也谈白首，两两皆无有。问君今日，有人还似吾否。

休得旧事重题，殷勤过也，解了鸳鸯扣。一说风流常向左，一说深情还右。带减衣宽，新来憔悴，未必能将就。两眉空皱，萦纤心绪灰透。

### 秋日雅聚

也拟动秋思，莼鲈正熟时。  
相邀松竹友，来聚凤凰池。  
高致唯耽酒，深情每寄诗。  
黄花开垄上，意恐报迟迟。

### 松阳留别次卢冷夫先生韵

欲剪流云入梦浮，思人拟上岳阳楼。  
吹竽前日来吴市，击节当筵响越讴。  
诗有隼才山不独，身依多土我无愁。  
又辞天姥吟留别，海客归时说未休。

### 过巴陵小乔墓

犹凭青冢识清芬，绛帐当年佐虎贲。  
世上英才拼一媿，眼中疆土慨三分。  
春深岂肯登铜雀，板荡权先壮水军。  
梦泽难消巾幗梦，至今波涌共停云。

### 八声甘州·岁杪感怀

叹流光悄逝寂无声，又是一年春。恰梅英绽破，玉肌香冶，独自清芬。看取横斜疏影，无处不销魂。忆取当年事，独立黄昏。

纵有芳心不改，奈雪深天远，未有归人。执酒疏狂意，何必道相亲。思纷飞、复翻尺素，竟无言、难赋片诗文。君知否，自离别后，犹念温存。

### 定风波·代赋别词

浅酌低吟长为谁？入窗明月共书帏。纵有远情难凭寄，无计，翻成离怨不堪悲。

试问情深余几许，能语？伤怀长是锁蛾眉。欲挈一杯聊自慰，和泪，钗盟钿誓已全非。

### 八归·秋觉

风轻露冷，阶前庭下，依约桂影清绝。梧桐玉井萧萧叶，还又客情愁煞，乱蛩声切。独倚危阑寒恻恻，忍道是、庄生迷蝶。怎禁得、辗转飘篷，此意凭谁说。

长恨人心难测，殷勤相与，换却经年离别。忍看波涨，漫怜潮灭，但觉浮沉难歇。奈诗思八九，写不完分合圆缺。消凝久、梦回云散，夜色将阑，西斜檐角月。

### 行香子·其时

林木栖鸦，菊照霜花。值凝冬，露重风斜。闲中一盏，共酌烟霞。望门前柳，水中月，鬓边华。

情真缘浅，毫端句涩。且由它，明日天涯。寸心千里，世事如麻。为一人吟，一人醉，一人嗟。

### 定风波·只道寻常

诗酒文章误一春，多情又怕两纷纷。眉底朱砂心上月，凄切，只今都是陌生人。

小雨催花青破萼，惊觉，红颜芳草逐时新。尚有些些难忘却，承诺，此间消息与烟尘。

### 八声甘州·偶感

怪浮生聚散不由人，相识又天涯。似萧萧风叶，徘徊辗转，吹落寒沙。终是梦中槐蚁，霜鬓一长嗟。世事几烟雨，流水韶华。

笑指云间飞雁，问篱边黄菊，时为谁霞。念故人千里，飘泊未还家。想当时、两心长在，共醺酣、遣闷弄琵琶。凭君手，把殷勤意，写入无邪。

### 鹧鸪天·如是

断肠人作断肠声，夏虫哪可语寒冰。旧交咫尺无来往，醉眼依稀看死生。

求不得，意难平，鬓云撩乱涕纵横。别来往事都休矣，早有伤心画不成。

### 定风波·思之寻常

说道相思便可怜，为谁憔悴为谁牵。非幻非真萦万绪，回顾，一溪云影水沈烟。

信是回文能解意，深寄，萍风不起静无澜。苦到莲心甜到骨，何物，此中添我泪潺湲。

### 蝶恋花·流年

老去情怀今意懒，好梦惊残，暗把流光换。去日无多来日短，鱼笺更作声声慢。

醉后不知归去晚，几度阑珊，几树花凌乱。独对瑶轮倾一盏，隔空说与云中雁。

## 潇湘诗韵

李伟华

### 洞庭晚景

向晚湖边立，风光四望中。  
洞庭渔火季，夕照满江红。  
万里迷秋色，一湾垂钓蓬。  
炊烟看不见，处处闪霓虹。

陈棠凡

### 宁夏行

夜降中卫大风起，沙尘狂舞寒气逼。  
黄河大楼挺宏姿，沙湖水清山迤迤。  
青铜峡坝截黄河，幽幽土洞藏兵器，  
沙漠之梯吻白云，西部影城长见识。  
金沙岛上春意浓，金沙海浪涌天际。  
贺兰山秃风沙阻，排排白杨沙前立。  
三零八塔忆西夏，土垒长城御顽敌，  
羊皮筏子戏浊浪，丝绸之路驼铃脆。  
塞外江南风光美，祖国江山处处丽。

熊国平

### 临江仙·题资阳三国文化长廊

亘古一沟宁静水，几番收纳风云。蜀吴  
战阵昔曾陈。枭雄谋霸业，受苦是生民。  
百代硝烟何处记？长廊十里图文。兵行  
诡道智通神。欲寻兴废迹，民力定乾坤。

观大通湖

初疑大海到平川，一片汪洋接近天。  
水上无风犹起浪，湖中有鹭似腾烟。  
曾趋利欲同尘浊，终应人情向日妍。  
试问清莹能久否？唯期种玉在心田。

李下蹊

### 痛嘉莹先生仙逝

未及闻君教，长天陨大星。  
期颐称岁寿，永绝恨天冥。  
绛帐无人坐，宏论但鹤聆。  
低昂松万壑，可是诵迦陵？

熊玲燕

### 西江月·悼叶嘉莹先生

闻听先生去也，从教后辈哀哉。呜呼天  
地失良才。震痛诗词世界。  
百岁生涯跌宕，千秋国学陪栽。情牵振  
铎见高怀。明月清风长在。

孙献文

### 悼念叶嘉莹先生

叶花凋谢世哀伤，明月寒天地上霜。  
弱德美名堪素雅，洁心灵骨永芬芳。  
一颗莲子终成画，百岁杏坛不朽章。  
放眼那村荷艳丽，贤才清节驻沧桑。

冯恩泽

秋雁

驱张羽翼趁微凉，客梦谁曾托故乡。  
烟水一痕临楚泽，风尘五岭过衡阳。  
交飞原野犹成字，听老秋声合断肠。  
此去衔芦莫回首，斜晖掠影自清狂。

李红梅

中秋夜月

独步夜沉沉，山空曲径深。  
梢头蝉噪隐，鬓角桂香侵。  
云敛窥天意，月明传我心。  
嫦娥今作伴，故里觅知音。

谢 萍

诗友聚会

蕨嫩笋鱼肥，相逢一忘机。  
茶清香雾绕，笑粲彩云飞。  
把酒聊乡梦，吟联忆翠微。  
临行约他日，执手复依依。

王 冰

茶

红黄黑绿茶，日日进千家。  
夜品邀明月，晨煎沐彩霞。  
随心万重意，入水百枝花。  
淡淡清香溢，如诗墨客夸。

刘 巍

观友女书作品

佳人善女书，朴雅态端如。  
大奖三湘展，幽香九陌舒。  
情高思继后，志远忆当初。  
几寸柔毫里，多年内力储。

周菊春

黄果树瀑布

白浪奔腾势欲摧，天崩地裂响惊雷。  
苍茫一片倾情泻，大好山河叹美哉。

刘长兴

朝霞

曙光一抹到千家，倚梦东窗看锦纱。  
紫陌红尘谁读破，晚霞亦可作朝霞。

钟敦和

告别故乡启程返粤

匆忙返粤日回家，汽笛催行独漫嗟。  
故土虽秋根自稳，不知何事老天涯。

孙云龙

浅秋紫薇

薇华一束摇风起，紫落盈途浅梦生。  
娇蕊含羞凝白露，纤枝带怯舞青坪。  
朦胧秀影秋光显，缥缈仙姿暮靄萦。  
且任残英铺满地，香飘远陌意难平。

王 进

初冬雨夜

远树斑鸠啼宿雨，池塘碧水涨寒寥。  
冬临燕去房梁寂，菊绽蜂稀巷柳萧。  
霜叶敲窗言别绪，萤灯照影伴清宵。  
可怜夜半难成寐，一片孤心寄旧谣。

彭庆祝

甲辰重阳感吟

伫立阳台自出神，窗前不敢忆艰辛。  
秋风勾淌骑行泪，岁月难消矿井尘。  
菊径同谁欣纵笔，平湖任我漫垂纶。  
老来尽享女儿福，权作林泉散淡人。

张永锦

冶游

层峦彩染山含色，幽涧星流水有声。  
秋雁高歌云外信，草鹑静展画中情。  
开襟且抱香如许，脱帽安知酒未烹。  
岭岳枫林殷似血，浅溪倒影另天瀛。

刘贻捌

立夏翌日余细文君招饮并游南湖公园

绿长红消万木肥，迷人景色焕生机。  
林间氧富琴音绕，湖底云迟鸟语飞。  
矧月犹疑思羽化，羡鱼何必觉身微。  
陶然任尔春芳歇，如此风光足可依。

刘绍炎

甲辰秋省卫生厅老同事聚会长沙

科教良缘幸此生，当年相识在星城。  
弄潮昔逐湘江浪，休暇今听岳麓莺。  
仆仆风尘勤事业，悠悠岁月见忠诚。  
流光老去谊难老，水阔山长不了情。

李 兴

游君山

麻姑谿语遗君山，郁岛飞来不一般。  
碧水蒹葭曾远逝，蓝天辟芷又回还。  
漫漫泽国衔云梦，猎猎湖风舞港湾。  
野岸关关犹在耳，河清海晏自疏闲。

卢时述

沁园春·缅怀伟人

辞别骄杨，进赴红船，直上井冈。又金沙铁索，霜涛滚滚；霄崖剑壁，雪岭茫茫。  
相伴油灯，运筹窑洞，号令雄师过大江。城楼上，更庄严宣告，字字铿锵。

红旗四海飘扬，领六亿神州举百行。渐钻通油井，兴修水库；炼成钢锭，飞架桥梁。  
两弹腾空，三军奏凯，广结嘉朋进五常。凭青简，数伟人功绩，无不辉煌。

游朝阳

侄儿大学毕业旋入伍赴疆有赠

志效班超著武装，玉门西出向新疆。  
风云万里扬旌旆，冰雪千峰指剑铍。  
战士情怀凌瀚海，书生抱负在沙场。  
离愁但付边关月，不勒燕然岂望乡。

李兴旺

秋夜独坐

卷帘凉风起，入耳蛩清幽。  
月满将又缺，此生到中秋。  
风云敛鹏翼，夜气掩斗牛。  
天下重经眼，不过洞庭隈。  
寂寞似今夜，三匝绕沙洲。  
风起青苹末，郁于渊中浮。  
漂泊成昨日，履迹禹甸留。  
横窗一鸟过，吓声向剡籬。  
晒尔过窗鸟，腐鼠不入眸。  
白发江湖老，身似独行舟。

宋深红

清平乐·游大云山

雾蒙丘壑，盘道崖如削。车趁长风掀一角，墟落犹疑碧落。  
山人细乳频斟，嗫嚅不掩金心。惯识霜钟依约，古风先入松林。

李再洪

摊破浣溪沙·题国庆

谁在高呼拉满弓，谁来论剑且从容。狭路丛林生死大，试英雄。  
肆意东风谁匹敌？猖狂美帝自居恭。安得神州齐国庆，乐融融。

李五星

摊破采桑子·昙花赞

每当深夜悠悠绽，艳色非常。月下芬芳。总齐平凡素淡妆。自然，偷找乐，躲台窗。  
从来少惹风流事，不恋春光。百卉无双。雅兴骚人笔下狂。自然，偷找乐，躲台窗。

潘岳生

踏莎行·甲辰正月初二携家人赏梅用晏殊韵

残雪生尘，初阳晞露。踏春又到梅妍处。山冈石隙尽繁枝，几多蜂蝶争飞去。  
影摄花丛，笑留芳树。消魂忘返时凝伫。衣襟有幸染寒香，何愁来日风兼雨。

沈造彬

踏莎行·游虎门南山山顶营旧址抒怀

炮垒遗痕，营墟觅废，围墙射孔仍豪气，禁烟拼战忆林关，相思树树英雄泪。  
闹市连珠，航轮结队，飞龙跨海来天际，三军万箭镇南疆，江山铁壁今无畏。

李万林

定风波·观夕阳

喷薄东隅现玉轮，金辉四射赐乾坤。巡到中天非炫耀，消耗，因滋万物共兴新。  
渐近西山光热减，还染，云霞朵朵饰黄昏。余力作成无价画，高挂，一宵沉寂复登晨。

何江波

### 汉宫春·黄盖怀古

独驾重临，割据争雄地，朔气横秋。雾笼黄盖，芦荡三二沙鸥。离离落叶，又散成、几许轻愁。便引不停念想，江山涌上心头。

天下汉分归晋，征烟滚滚，逝水悠悠。英雄浪潮兴处，淘尽曹刘。焉容海峡，起妖氛，拥地分周。长问尔，今朝人物，谁来一统神州。

龚普查

### 小墨山访友

一笑陶然菊正黄，胡君邀我赋流觞。  
大湖西望三封寺，小墨归来五柳庄。  
室雅能招仙入座，地偏自种菜生香。  
逢人若问南山路，莫道曾经到此乡。

李荣华

### 又到澧湖

大堤东望水笼烟，苇色苍茫草色妍。  
磊石山吟求索句，岳阳楼诵乐忧篇。  
抗洪争趁星灯亮，垂钓闲看藻蓼鲜。  
心性未随霜鬓改，一湖幽梦总相牵。

何良厚

### 益阳明清古巷

苍苔附壁久还侵，断续蛩声唱到今。  
踏越时空交错影，来搜意象短长吟。  
渍痕斑驳同星守，掌故烟云带梦寻。  
雨刻风雕麻石板，铺将流景入幽深。

刘松山

### 富民村赏画

湖乡新取富民经，十里田园作画屏。  
除却儿童勤试笔，村民争欲泼丹青。

陈育新

### 题东边湾甜酒

佳酿天成始有闻，寻真今到合兴村。  
沽来一碗临风品，袅袅清香醉客魂。

许山久

### 永遇乐·明清古巷

一线蓝天，两墙矗立，此地何处？石道磨光，岩砖风化，古巷知几许？江南风味，明清韵致，似听古人心语。望窗门、幽幽静谧，犹存旧时庭户。

湖湘盛节，适逢周末，正是毛毛细雨。红伞佳人，飘然侧过，衣袖悠卷舞。如今虽老，依然故我，邂逅时时回顾。今再访、亭亭玉立，挥之不去！

李琪琳

### 明清古巷玉陵坡

穿廊绕井读从前，汉瓦秦砖垒百篇。  
大厦摩云邻地起，残垣曾是日中天。

曾敢想

### 资阳区甜酒之乡东边村

燕子归时湿柳帘，江南渐暖韵频拈。  
网红打卡香飘处，岁月如歌比酒甜。

张孝凯

菩萨蛮·访益阳明清古巷

喧嚣应已追风去，清幽里弄回廊路。故事忆深深，老城何处寻？

新津连古巷，一脉相传唱。访客八方来，转悠青石街。

汤晖章

鹧鸪天·爱屋湾见闻

爱屋湾村久有名，文明风俗代传承。坪头耸立读书柱，学子荣膺哈佛生。

尤可赞，更堪惊，心心女士显才情。不因残疾销豪壮，拨亮胸中那盏灯。

罗廷孝

登山

杖履翠峰行，晨曦照眼明。  
光摇江底树，影动石头城。  
抚景心犹逸，吟诗韵更清。  
登临天地阔，一啸寄高情。

龙远照

夜登平遥古城墙

劲步青砖上，墙巍景亦奇。  
霓灯光北阙，彩帜炫南堤。  
昂首星云阔，怡情蟾月低。  
存心攀宇际，谁与作天梯。

临江仙·桃江竹海巨笋

举目东方遥望，惊奇猴岭新颜。一尊巨笋耸山巅。巍然穿竹海，磅礴接云天。

箨卷初呈新黛，苞张尽显芳妍。怡然馆驿造型玄。开轩观异景，仰首盼天仙。

李国安

谒左宗棠故居柳庄

一庄柳色识春秋，曾叹深山锁碧流。  
信是庭闱元气厚，青萍出鞘即封侯。

秋夜思

一弯寒月挂中天，遥望苍山锁紫烟。  
桂冷香迟秋寂寂，雁回蝉老露涓涓。  
飘蓬不共时流语，倾盖方知契友贤。  
试问往来沽钓者，江湖零落几人怜。

蒋孔香

时逢长沙沿街桂花盛开有寄

擎住诗心袅淡黄，年年如约为秋狂。  
翠分林道三分秀，奇拔烟尘十里香。  
倩影经风翻作景，繁枝借月剪成妆。  
蝶蜂闻讯翩然去，唯恐难呈九曲肠。

翟红本

秋

叶在枝头颤，霜朝鬓角侵。  
一声风似哨，吹皱旅人心。

### 赏南窖乡红叶

连烽火灼月光杯，以待宾朋醉一回。  
定是主人生活美，故烧红叶烫新醅。

吴神保

### 渔歌子·大通湖巡礼

水草龙虾闸蟹肥，盈盈湖上日交辉。人  
愉悦、藻葳蕤，青萍风舞几回回。

闫 钧

### 清平乐·忆母之捡残秋

茬田秋后，茧硬如柴手。捡得残阳人渐  
瘦，皴裂殷殷血口。

两三布袋辛劳，几番剥打深宵。颗粒珍  
珠不忍，饥寒经历叨叨。

### 清平乐·忆母之缝寒夜

风摇油盏，壁影孜孜现。灯蕊三番开又  
散，窗上冰花绚烂。

补丁几叠如图，千层鞋底如书。慈母爱  
心作线，青丝暮雪寒庐。

蒋正华

### 吟中秋团圆歌

西苑木犀芳正菲，兔华泻地入庭闹。  
倚窗自顾随云去，托梦难成化蝶飞。  
思却空知君意合，望而不见我心违。  
何时海峡无风雨，两岸团圆携月归。

钱惠芳

### 丝瓜

小院青藤倚短墙，竹棚高爽漏斜阳。  
层层翠叶飞麻雀，朵朵黄花闹织娘。  
岂必云生求雨泽，无非露润透风光。  
条瓜瘦骨浑身绿，余味绵延到故乡。

黄承松

### 秋收

新垦禾田缠岭腰，出门三里过溪桥。  
镰刀割尽斜阳色，扁担弯弯带月挑。

### 红叶

切切蝉鸣鸣不休，深深深树夕岚稠。  
冷红漫向斜阳外，画出霜天一色秋。

向 群

### 乡梦

秋色不难均，时来又袭身。  
桂浓偏遇雨，人淡惯蒙尘。  
辗转客心乱，徘徊乡梦频。  
重逢欣执手，漫步碧江滨。

萧学菊

### 城乡分居夫妻的七夕

鸣蝉喧永昼，独鹤向残阳。  
仰首怜天女，回身念玉郎。  
街尘双鬓染，夜月一杯妆。  
灵鹊填河日，谈资可购房。

刘俊

劝鸟

隔窗两雀起纷争，激烈声声欲断情。  
劝惜良缘千载得，无须事事理言清。

闫玉梁

朝阳里的风景

谁把红心挂树梢，晨光最美是书包。  
青春装进朝阳里，锦绣前程步步高。

李俊斌

南歌子

桂子空中落，清香陌上飘。开轩把酒菊花摇，日暮风凉侵被，梦离骚。

徐德纯

满江红·甲辰国庆假期游资阳区

明清古巷景区

飞阁重檐，资江畔、画墙陈列。青石巷、悠长斜照，鹅池连缀。三国雄兵疑过往，码头野史闻凉热。旃旗舞、鼓乐壮银城，良宵彻。

秋胜景，才雨歇。游客众，欢如节。看长街十里，品评诗哲。得意风姿歌盛世，功成春梦凝心血。问缘由、文旅振城乡，丹心切！

周守虎

踏莎行·游先锋桥村赏木槿花海

觅复东西，寻幽小筑。先锋木槿花盈目。朝开晚落自妖娆，清香更惹游人逐。

翠鬓为谁，芳华可掬。云灵蓄雾驱尘俗。盈盈笑语话阶前，一杯香茗平生足。

刘晓辉

白露

雨濡秋浦逼新凉，夹岸蒹葭渐有霜。  
霁色山林悬果实，丰年村落煮醪香。  
关心水面来鱼队，极目天边过雁行。  
入肘金风携好运，钓竿人立忘斜阳。

周海斌

游印山村

皇权玉玺坠村中，百里乡关景不同。  
牛岭西倾留夕照，狮峰北顾伴长虹。  
湖光滟滟群鱼戏，山色萋萋万木葱。  
秀色连云金麦浪，怡情欲赋醉诗翁。

谭其明

静心

礼让三分输亦赢，品高不在众人擎。  
箴龙尚有凌云志，天性无求身后名。  
但得诗书生妙趣，何妨煮酒到平明。  
清心徐步疏篱外，顿与晨风各自轻。

肖国保

甲辰重阳游百花寨有寄

登山思古寨，环壁赏秋芳。  
一水廊桥过，三雕彩凤翔。  
临风红蝶舞，对月蜀葵香。  
隐此尘嚣远，修身胜梓桑。

刘晓艳

甲辰重阳参观醴陵陶博馆

瓷都声誉远，重九探珍藏。  
釉色凝千意，青花绘万妆。  
精雕龙凤舞，巧染叶枝芳。  
古韵悠然在，非遗承继长。

龚纲要

秋雨思

窗含糜雨沥寒秋，树叶纷飞更赋愁。  
纵使风光终落幕，安康平淡欲何求。

杨 健

咏秋

秋风带雨入江天，黄叶纷纷绕树旋。  
雀跃蝉鸣炎暑去，稻香阵阵庆丰年。

郑若良

秋

煦煦阳光习习风，金黄稻浪一丛丛。  
江天万里碧空外，那片枫林火样红。

刘绮国

言公建忠兄千古

惊闻箫笛断宫商，抚案诗章韵未凉。  
百巧才情殊世俗，一朝风采化衾裳。  
星沉艺苑音容杳，月黯文坛笔墨藏。  
遣奠阳关三迭酒，哀思逐泪意茫茫。

王旺如

重阳节聚会感怀

汉赋山庄景色良，金风送爽度重阳。  
歌厅吟唱琴音美，餐桌闲谈酱酒香。  
野径菊花争艳丽，层林丹桂竞芬芳。  
淡看世上名和利，相聚开心岁月长。

何新民

秋暮归乡

车披旭日碾微霜，去览家山五彩妆。  
滴翠非因鱼跃水，流金岂止谷盈仓。  
枫红着意于秋令，鬓白倾情对夕阳。  
几缕清风潜入夜，身心愉悦梦含香。

向自强

锦堂春慢·访罗江种植大户

汨水悠悠，翩翩白鹭，风轻油菜花香。  
仰望传神古树，巨伞沧桑。客访科龙云集，  
探秘夜话罗江。共生新模式，百亩秧棚，  
万亩农庄。

告别刀耕火种，叹全程设备，不负春光。  
见证智能精量，高速抛秧。水稻栽培双季，  
万吨级，护国安邦。怎不归来感叹，集约经  
营，示范飞翔！

黄跃红

秋韵

窗前桂影溢清香，凝露东篱傲菊黄。  
片片碎金铺小院，西风乱舞落衣裳。

谭文森

### 水调歌头·今又重阳

重九登高望，秋景醉心房。杏坛耕种卅年，桃李满园香。昔日黉门劳碌，今日依然如故，热血未曾凉。老骥志千里，相伴少年郎。

念陶潜，归园乐，意悠长。且看我辈，休负岁月好时光。虽已苍颜华发，犹与诸生同耍，欢意满书堂。此乐何能已，沉醉又何妨。

毛坝初

### 西江月·中秋敦煌鸣沙山望月

仰望银盘镀色，黄沙耀映连天。游人热闹绕牙泉，玉宇琼楼盛宴？

勿问佳节瘦影，寰球共此婵娟。东坡曾叹古难全，对饮当空若现。

曾桂先

### 胡杨树

日照胡杨千里秀，自然成景艳蒙疆。  
根须发达防干旱，枝叶葱茏斗雪霜。  
独木支撑三丈土，成林构建万寻墙。  
终生守护烟沙地，藐视严寒与瘠凉。

蓝世跃

### 赞大东口村

金风丽日漾秋光，禾稻丰收百果香。  
坦道溜平畴野阔，河沟通畅柳丝长。  
畦田有序菜蔬绿，屋宇俨然花卉芳。  
民族同心相处乐，和谐共建富饶乡。

谢久吉

### 秋入农家小院

辣椒一片染园红，橘子垂枝硕果丰。  
小院繁花秋去晚，门前高挂大灯笼。

汪莉

### 箴言书院

瑶华山下翠森森，书阁芸台尽被阴。  
一部箴言淳诲我，齐家治国意涵深。

黄军华

### 秋思

秋风一夜动秋凉，晓看秋容独自伤。  
几许疏桐飘寂寞，谁家玄燕起彷徨。  
光阴荏苒霜华冷，心事凋零日色苍。  
把酒东篱驱素怨，不堪锦瑟奏清商。

### 蝶恋花·孤雁

萧瑟西风凋碧树。孤雁彷徨，独自凄凉语。残照霜天无限路，寒枝拣尽栖何处？  
一世飘零追暖煦。地北天南，忍把终身误。燕雀不谙心事苦，凭巢相望声相妒。

王鹏宇

### 蒹葭

蒹葭泽渚碧汀洲，万簇千丛迷鹭鸥。  
瑟瑟金风扬别韵，葳葳荻叶涌芳流。  
芦蘋飒飒梢撩月，纤羽悠悠絮叙秋。  
白首方知寒暑意，承书作画牋长留。

吴德年

### 八声甘州·重阳感怀

听鼙更催去好时光，转眼又重阳。渐霜风凄紧，寒蛩泣诉，草木催黄。此际登高望远，触绪满胸膛。一款秋声赋，荡气回肠。

遥想当年同事，已诸般摇落，倍感凄惶。叹繁华消尽，世事两茫茫。幸吾今、儿孙绕膝，对往时、何必论端详。年年有，清风明月，对酒疏狂。

王金华

### 临江仙·情系大通湖

和煦秋阳湖水渺，晴空湛湛无垠。长林漠漠接流云。远离故土外，眼见似曾亲。

沃野网格连直垄，农机全替农人。萋萋水草浊清分。湖中虾蟹美，香稻首家珍。

谢莉红

### 雨中赏红枫

雨入红枫道，烟光紫色林。

声喧丹叶舞，湖静荻花吟。

瑟瑟旋商信，澄澄映古今。

每临山水里，更使素心沉。

黄东亮

### 唐多令·访安江高庙遗址

为问老渔舟，因谁久淹留。七千年断土残丘。风月荒凉多少梦，空怅望，正清秋。

江水似含忧，芦花又白头。叹古今谁放谁收。陌上孤身何所寄，匆去去，且休休。

### 山花子·安江花海格桑花开

蝶舞翩跹朵朵云，清风笑逐格桑新。红粉佳妮争济楚，尽缤纷。

记得年来长伫望，而今只想略微曛。偏是归来难拂去，满衣芬。

胡国洪

### 岳麓书院

湘水余波入洞庭，暮春书院麓山青。群儒授简朱张渡，两客飞觞爱晚亭。文脉千年还契阔，迟芳数点未凋零。赫曦台上松风曲，留待今人驻足听。

### 白鹿洞书院

飞泉叠瀑隐匡庐，倚壑临溪绿野居。教化功深安社稷，兴衰任重赖诗书。前人远俗曾偕鹿，此处无尘不羨鱼。精舍俨然千载后，烟松逸竹自凌虚。

### 应天书院

罹乱烽烟礼乐崩，青衿泣泪自扪膺。关山阡隘因谁靖，天下序庠由此兴。绛帐丹心光赫赫，银章紫绶意兢兢。风沙不掩中州月，复宇重檐彻夜灯。

### 嵩阳书院

巍巍书院峙嵩山，明月清风时往还。夜半含毫耽砚席，晨来散帙入朝班。篇章屡诵回思久，诗稿初成每自删。古柏森森王气在，闾闾文运两相关。

谢丽萍

### 十月感怀

白露霜风卷岭边，层林尽染映霞天。  
挥毫泼墨添秋韵，陶冶性情颐晚年。

李建章

### 仲秋

人言春色好，我独爱秋晴。  
树树金风起，山山玉露生。  
凭栏怀古意，把盏感时惊。  
莫恨相知晚，君心自澹清。

### 饮酒

闲居郭外近陂塘，露浥丛兰圃菊黄。  
对酌终天升玉镜，行吟竟夕起清霜。  
平生快意江湖事，半世相知日月长。  
莫道秋寒欺鬓发，还思策马跃云骧。

邹学锋

### 秋临龙女湖

湖湛桥横隐翠岚，泉流汨汨亮珠簪。  
临风亭菊张金瓣，傍水葵花拥碧潭。  
夕照徐娘红袖舞，霞萦龙寺禅歌酣。  
镇山福鼎祥云绕，旖旎秋光放眼耽。

黄伍林

### 秋后上五盖山

斧劈开新道，盘悬上九天。  
桥横千丈谷，车越百崖巅。  
树彩风云里，山浓雨雾边。  
楼阁邻碧宇，避暑好休闲。

彭中华

### 诉衷肠令·次韵晏殊

五基难代雁书香，登高望重阳。天涯尽  
染乡愁，千里耀金黄。

真切切，路长长，意茫茫。镜头两畔，  
红颜皆老，几许思量？

李映山

### 暮秋

无事闲游赏暮秋，不觉已到镇东头。  
艳阳高照融融暖，黄叶轻飏晃晃悠。  
路上车流尘滚滚，街区店铺冷嗖嗖。  
一丝寒意从心起，谨记添衣加满油！

傅平艳

### 采桑子·寒露

萧疏桐叶秋风瑟，鸿雁随阳。弄影成双。  
寒露微凉菊渐黄。

竹篱溪径芳郊绿，兰桂幽香。把酒思量。  
光采依然岁月长。

王明喜

### 霜降

欲写农家此际丰，花笺可藉半山枫。  
毫情入味油茶馥，日色流丹柿子红。  
叶落为泥培树壮，草枯当被护苗荣。  
秋风正赴羊城会，一路诚将暖色融。

黄绚春

深秋山行

深秋邀挚友，一路向山行。  
小鸟林中闹，悬泉壁上鸣。  
菊花含笑意，老朽爽心情。  
不畏桑榆晚，斜晖百媚生。

曹本生

咏枫

枫舞秋山醉意浓，寒霜点缀更鲜容。  
翩翩红叶情如火，染就相思几万重。

史珍博

甲辰秋登芙蓉山

丹桂含羞绽放迟，芙蓉竞艳亮新姿。  
红梅忍让寒英笑，遍地山花不尽诗。

侯志平

重阳登高不得

负此登高节，烟霞揽不能。  
云心难束缚，俗事易侵陵。  
我若笼中雀，谁如天上鹰。  
夜闲吟古句，聊以遣秋情。

罗贵群

秋意

西风落日照江干，白鹭悠闲戏浅滩。  
别看芦花萧瑟意，新芽早已蕴尖尖。

季传富

渔家

湖心浮绿渚，上住二三家。  
笑脸围居处，芳枝钓浪花。  
网收新日月，客抢嫩鱼虾。  
一嗓渔歌子，韵牵千里霞。

钟建成

临江仙·访汨罗市桃林高丰及栗山书院

疑入桃源胜境，欣访书院高丰。层云岭  
树画图中。鸠呼烟雨径，人语塔桥东。  
宅傍膏腴种养，黉堂学子研攻。归来垄  
上起霞虹。高阳绵世第，村墅醉春风。

曹泽文

临江仙·河夹塘龙舟赋

气贯长虹彪悍，志掀鳞鬣长鲸。雄心卷  
起浪飞腾，鼓催齐奋桨，筑击踏征程。  
且叙沧桑正道，亦怜孤直坚贞。年年划  
断桨多情，人同香草茂，龙与凤凰鸣。

胡春耕

卜算子·甲辰秋分

谁个设秋分，又使秋分去。不是节来昼  
夜分，哪有公平处。  
云外听征鸿，篱畔心茶煮。思若丹枫片  
片燃，情向何人许。

何鹤皋

白露

金風澍雨洒湖乡，白露来临始觉凉。  
雁翥何愁衡岳远，鹭飞偏爱碧空长。  
芫花摇叶香盈室，弱柳飘丝鲤跃塘。  
露水凝珠滋万物，田畴稻穗衬霞光。

田建华

咏屈原酒感赋

清泉源远自黄龙，夹岸江流积翠浓。  
三楚先民传曲部，九皋工匠统醇醲。  
原浆上市城乡热，诗祖冠名骚客钟。  
独创品牌馨泽国，宏开酿址绽春容。

周显群

渔民

钓舟寻钓梦，河水煮河鱼。  
昔日飘蓬客，今朝画里居。

孙 婷

白露前暴雨

时将白露暑难消，忽沐甘霖洗世嚣。  
节气相推皆有序，炎凉变幻任天调。

刘若男

卜算子·游生态植物园

水草竞芬芳，莲叶身姿洁。各色花儿正  
放香，醉了纷飞蝶。  
秋色长精神，美景怡心悦。漫步园中不  
愿归，养我心头月。

杨卫星

依韵答易巩基先生《自寿吟怀》

七秩金秋宴，边山雅逸人；  
修为无止境，得道克关津。  
句共丹枫灿，情同绿蚁淳。  
夕阳诗画里，寿庆百年身。

胡爱泉

秋游乱石滩

长滩造化工，乱石也玲珑。  
劈浪千堆雪，流丹两岸枫。  
心仪天问阁，情动美人峰。  
独享秋江乐，忘机羨钓翁。

话说乡村诗词大会

国粹传承喜不禁，田园处处动高吟。  
香来共享丰收酒，笔落同描快活林。  
写出村民真感受，合成时代好声音。  
三农入主诗词会，热土风流冠古今。

曹 琴

随湘江新区诗联协会尖山湖采风有记

步出城西门，我亦秋怀旷。  
冷碧盈盈水，清心涤尘障。  
连绵三五峰，峰峰笔难状。  
闲吟桂馥浮，野对芙蓉放。  
最爱环湖行，好景供眺望。  
欢笑映颍波，高揖问师恙。  
真趣惠奴家，拙句答嘉贶。  
回首盼重游，漠漠烟云荡。

陈赛军

### 访美丽乡村龙溪村

路转江弯东复西，轻歌一曲到龙溪。  
云飞谷底枫增色，水绕村头石筑堤。  
孝德长廊民俗美，琼楼小学语声齐。  
游人欲揽山乡景，登顶九岗千岭低。

### 鹧鸪天·访周立波故里清溪村

三月清溪处处妍，八方游客笑声喧。田园书屋人潮涌，土菜餐厅味道鲜。

红网络，热微圈。作家故里著新篇。山乡迈步康庄道，文旅加持助梦圆。

郑人

### 秋访大通湖

大通湖美赏来迟，如见仙娥展秀姿。  
高柳摇风邀燕舞，紫螯戏浪惹鸥追。  
稻花香里金波漾，桂树丛中笑语嬉。  
一派丰饶谁不叹，未来蓬勃共心期。

奚慧枝

### 醉花阴·秋游大通湖

秋日平湖风景异，波阔连天际。雁字舞长空，云水雄浑，极目风光旖。

欲归不舍渔乡味，遐念心头起。且待我重来，醉卧轻舟，枕梦清波里。

陈静波

### 西江月·故土重回大通湖

秋水连天依旧，洞庭热土回眸。涛声浆

影采莲舟，野鸭芦鹳鸥鹭。

万亩平铺金穗，一车满载乡愁，轻风牵袖再回头，树影奔来窗口。

胡建文

### 浣溪沙·过韶山灌渠

耳际犹闻战鼓声，开山裂石炮声鸣，红旗猎猎鬼神惊。

十月修成新水道，三餐食宿露天营。春山白发记曾经。

### 浣溪沙·游东风湖

两岸青山映碧湖，林间鸟雀竞相呼，天光水色有还无。

情侣树前听故事，将军岩上看云舒。心情闲似小游鱼。

陈麒东

### 喝火令·墨江葡萄园拾韵

架下重重坠，廊间郁郁迎。翠颜仪腆露深情。娇惹远来秋信，藤掩数声莺。

许我枚枚摘，欣她楚楚青。接风珠串正珑玲。选撷呈君，选撷送卿卿，选撷自家馋嘴，蜜沁齿盈盈。

### 蝶恋花·石塘铺蓝莓庄园雅集

盛夏迎风登翠岭，凭眺莓园，诧异多嘉景。簌簌斜拎频引颈，笊笊玛瑙留幽径。

不负石塘飞逸兴，近看诗来，远摄惊鸿影。欲寄云笺仙客请，下凡同享悠闲境。

## 曲苑拾粹

易庆安

### 【仙吕·一半儿】前往张家界途中

武陵霁后自多情，滴翠烟光秀色生，更有芙蓉含笑迎。煦风轻，一半儿灵霞一半儿晴。

吕荣健

### 【南吕·罗江娇】暮年感怀

【香罗带】怀乡最是秋，何须事由？橙黄橘绿都带愁，衰残仍客异乡游也。家兄暖寿，亲翁病瘳，一身恨不兼处酬。【一江风】岁月如流，感起平生受。华年为党休，华年为国休。今虽耆似猴。【步步娇】但不悔湖湘就！

刘复经

### 【正宫·醉太平】题云南过桥米线

高汤透鲜，米线柔绵。蘑菇荤素料齐全，清香细软。送书生能入通儒院，伴炼师可上长生殿，随武臣饮马月牙泉，可知他与众生情缘不浅。

刘绮国

### 【黄钟·贺圣朝】音乐喷泉

湘水清，满天星，十路灯，国庆红歌高轰鸣。万条喷泉雾里腾，赤橙绿、紫蓝青，半空荧威势弘。

郭承志

### 【双调·楚天遥过清江引】

#### 韶山灌区建设大军赞

铁臂撼山河，浩浪云天落。齐心灭旱魔，众手擒龙鳄。汗水化清波，浇却田畴渴。动地起夯歌，万里闻韶乐。【带】斗地战天今看我，敢把龙王唾：尔曹移个窝，迁往韶山坐，听令尽将甘露泼。

王爱国

### 【双调·水仙子】老同事相聚

曾经一室办公忙，现在闲暇各一方。滨城相聚欢心畅，朱颜白发苍，想当年体壮身强。春虽去，体乃康，共度夕阳。

郭军民

### 【越调·小桃红】七星石榴产业园即景

村园万树挂熏风，暗想秋波送。看取佳期与谁共，抱团中，一枝红压秋山重。火燃绿丛，翠翘金凤，多少小灯笼。

程坤明

### 【越调·凭栏人】甲辰初夏游湄水河畔

碧绿田园叠翠山，湄水之滨鸥自闲。流泉邀客弹，响声堪去烦。

禹丽娟

【中吕·醉高歌带喜春来】百丈瀑

深深迴野非常，郁郁青林浩莽。浑如世外层层嶂，我把仙侠畅想。【带】飞流注壑雄千丈，水气岚烟漫涧冈，凉风杂响绕何长。飙一噪，莫笑老来狂。

吴兰芳

【正宫·叨叨令】写给昆山带兵的儿子

老兵临退豪情在，鹿城亮剑新兵带。走廊当作沙场派，威严要把高风率。可劲锤也么哥，可劲锤也么哥，钢炉炼就军戎脉。

罗培根

【双调·蟾宫曲】咏铜官古镇

清早起车过湘江，驻足铜官，紫气轻扬。石渚湖边，楼台高阁，画栋雕梁。思浦口当年火旺，忆龙窑古韵悠长。历尽沧桑，釉彩陶都，杲杲重光。

马承斌

【正宫·塞鸿秋】柳叶湖景色

弯弯明月人陶醉，悠悠碧水星相会。荷塘夜色鸣蛙对，浮光掠影流萤媚。依依杨柳垂，恋恋鸳鸯戏，良宵美景佳期记。

李小坚

【越调·天净沙】六鹅洞秋韵

淡云落叶红纱，洞穴石壁虹霞，景象天然壮雅。瀑流直下，汇成秋韵奇葩。

陈小艳

【中吕·醉高歌带喜春来】光辉村揽胜

平畴日暖风酥，碧岭莺歌燕舞。光辉村里游人聚，一片欢声笑语。【带】万株桃树飞红雨，无数鸡鹅闹绿芜，谁家田埂卧牛犊。如画图，对此忘尘俗。

刘隆宜

【双调·雁儿落带得胜令】乡村新貌

家家马路连，户户新房建。出门电动车，用水龙头转。【带】油稻遍农田，水果满林园。塘里鱼儿跳，棚中鸭蛋圆。香甜，米酒佳宾劝；休闲，农家土菜鲜。

康纪汉

【双调·折桂令】老铁匠自况

卅年前寄住山乡，设备全无，铁匠难当。搭个棚房，烧个毛铁，扯个风箱。手挥锤嚓嚓弄响，艺求精久久成钢。黑夜晨阳，梦影流光。往事叮当，岁月叮当。

贺金明

【仙吕·醉扶归】梅雨下的山乡

岭上层云重，压抑小山冲。昔日青苔已失踪，是处奔流涌。锦伞飘摇浪中，撑起团团梦。

萧凤菊

【双调·庆宣和】魅力都江堰

璀璨明珠犹至宝，智慧高超。水墨丹青李冰描，叫好，叫好。